

开鲁县志未成稿



彼女子 且聰敏

爾男子 當自警

唐劉晏 方七歲

舉神童 正作字

彼雖幼 身已仕

爾幼學 勉而致

犬守夜 雞司晨

苟不學 曷為人

蠶吐絲 蜂釀蜜

人不學 不如物

幼習業 壯致身

上匡國 下利民

揚名聲 顯父母

光於前 裕於後

人遺子 金滿贏

我教子 惟一經

勤有功 戲無益

戒之哉 宜勉力

大同二年六月二十九日書

創修開魯縣志序

不登崑崙巔不知天地之窄也不渡太平洋不知江河之日下也不審六洲趨勢不知中華之弱點也不過中山革命不知人才之難得而可貴也憶自科舉停政體更聖道墜軍閥鳴強權公理黑白不分黃鐘瓦缶雜奏一庭自愛者辟人辟世愛國者爭地爭城內訌則鬩牆不熄外侮則砲火頻驚羣虎將飛而食肉卧獅尤大夢而未醒吁嗟乎果誰為之而誰致之

必欲使天之將喪斯文余自頑鄙舊後宦

遊齊魯感時局而琴鶴歸來本擬息影
蓬廬不求聞達何幸南北統一得見武裝
的和平中國庶有豸乎夫亦安知非三民
五憲之救國大綱喚醒我五萬萬大同胞
也前因省主席湯公召襄戎幕發表政
策銳意治孰為小康戊辰秋捧檄莅開
百端待舉查此邑屢遭浩劫民困未蘇軫
念時艱姑與休息以仰副列憲恤民之至意己
巳夏五奉令替修縣志並頒發體例三十
條自宜積極進行以備輜軒之採但事屬

18
劇辦籌款為難非惟有見之才為難而
無見之才為尤難於是招集地方會議暫
由財政所藉資挹注不足則設法另籌並
公推熱垣舊吏寄居南魯之中央政府特
征負勞君霖宣為纂修余遂訂定章程
程以學向淵博考語呈明省府聘委主任
謹擇於十月一日繼舊墾局租房設局開辦
惟關係地方文獻須眾志以成城又即日南
會公議推舉參校員訪查員暨繪圖
會計錄事諸人均以期年歲事愈速愈

妙余時於公餘之暇協第一科長宋君廉
卿到局與主任參酌損益並考查局員
勤惰期無越乎中山遺制之範圍廣搜
則集腋成裘合力則團沙成塔外可以杜列
強殄蠶食鯨吞之險內可以去吾民水深火煎
之危條分縷晰罔舉日張雖一日亦千秋
雖一縣亦全國也且使邑人士之流風餘韻
懿行嘉言不至與蔓草荒烟同歸幻泡
是余之所厚望焉後之未者亦將有感於
斯文

民國十九年歲在庚午 月吉日清舉人

署南魯縣長 蓋允恭撰

創修南魯縣志序

古者諸侯之國必有史如晉之乘楚檮杌魯之春秋者是縣之有志猶國之有史也文獻所存者宜徵宜信舉境內土地之肥磽山川之夷險民生之利弊習俗之貞淫戶口之盈虛政治之得失賦稅之多寡經界之沿革賢士大夫之著述忠孝節義之芳踪卓軌犁然具備垂法戒而寓勸懲

其所闢豈淺鮮哉然修志非難創始為難
亦非創始為難無文獻之信而有徵為尤難
按開魯僻處熱河東北隅本昭烏達盟東
西扎魯特阿魯科尔沁三旗游牧之區自清
光緒丙午經都統廷杰派鐘元設治以來綿
綿延延已廿五年矣滄桑屢變風鶴頻驚農
商困苦共見共聞謀生不及遑與論文今幸南
北一家重覩天日党人君子果皆勵行民治
遵中山遺訓先裁兵以靖閭閻然後借
外債購器机令各縣積極振興實業若

開蒙荒講求樹藝設工廠精研製造用五
鑛以盡地利展築鐵路以便交通遂將所裁之
兵分別鎔納其中免致散而為匪再銳意整
頓各種科學學校培養人材嚴行考試仍依
孔教為宗正人心以保國粹自強不息外侮不
侵必使國無游民皆能出所學以供社會用
由一縣而十而百而千而全國不難進小康
於大同即此舉：數端已足備下採輯軒
鳴統一中華之感而况三民五憲之逐漸
施行乎文如未刻息志纂修不惠云資

翎五品銜試用州同薦任取補用中央政
府待徵員南魯修志局纂修曹濬撰

建置門

開魯地方本係沙漠草地史無可考按蒙古
游牧記不過為東西扎魯特暨阿魯科
爾沁三旗游牧之區當宋之末葉遼金
僭竊帝制在今開原縣北建都黃龍府
果殆為近畿轄境後皆都燕都汴至
元忽必烈拓土南疆定鼎中原此地即屬
三旗占有權數百年來閉關自守風氣

未南中國亦幾視為甌脫前清末造海禁
大南強鄰環伺各當軸不得不亟作殖
民備邊計故光緒卅一年經熱河都統廷
用賓派鍾旬岑南放該三旂蒙荒始
就塔甸地方設立縣志名曰南魯謂南
通其愚魯之性情也建設之初祇有知署
一所管獄署一所塔側營房一所城隍
廟一大向此即南魯南廟以來建置之
濫觴也民國改元胡匪陷城均付一炬
二年陶壯長初白蒞任呈請籌款重

2)
修縣署整頓墾務減價放荒以廣招徠人民
始有安集之象張縣長子良蒞任重修管獄
署並倡率商會興修

關岳廟五大間並捐廉造兩河渡船以便行
旅九年升任執河全區墾務總辦又會同展
團長慶齋教知事青雲等據發起人條陳
籌款築城一案呈請 汲前都統立案已蒙嘉

納批准未及兩辦李縣長秀嶺接事十二年
一月又被胡匪陷城十二年春北京衛戍司令
部執法官周雨蒼來甯 濬因發起人風流

25
雲敬即單獨具呈請轉遞王巡帥兼執都
懋宣令米代都錦堂催知事節蓀督修外
城並蒙補助建築費一萬零六百元張司令
協堂主張暫由城基推捐以濟眉急是年秋
告竣計土城一座周圍十二里共二千二百一十丈
四門用磚四隅砲台仍係土築東門曰崇仁
南門曰耀武西門曰正義北門曰宣威有城
工處經理孫紫宸張鶴鳴清單可查十四
年因老河水患議修河口東西大壩張司令
主持仍就城基攤捐興修共費大洋一萬零

七百五十九元有奇，有河工處經理方彩成、張鶴鳴清單可查。繼有劇旅長兼天山秦曼兩旗墾務會辦子香駐開議設東市場，提倡實業未幾，因時局關係停止。工程現南北一家，內無積蓄，招商集股，仍擬賡續進行。先修一公益泉浴塘，已費一萬數千元，為人羣革面洗心之地。由此富商雲集，日異月新，市廛櫛比，頤壯觀瞻。若鐵路再由通到南，則商興前途正未可量。所苦者農家耳。何也？商以農為本，農不得耕，則商以困，農為兵所累。

兵不銳減則農亦荒農一荒即多年亦所
收者幾而况天時難測旱澇不均收入不更歉
乎收入一歉則老弱轉乎溝壑壯者散而之四
方此理有固然勢所必至也各當道共俾主席
為國為民之至意為幸

附錄築城原案

民國十年十月廿三日張總辦展團長教知事
據發起人條陳聯名呈請汲都統立案文
呈為籌款築城一舉三得公請咨呈備案以立
自治初基事竊查聞魯地處平原鹼沙參半

尤當老河之衝大水西來頃成澤國兼以蒙疆多
 事風鶴頻驚櫛比市廛夜不安枕近奉部令講
 求自治自宜分其後先緩急逐漸進行開魯之
 所宜急先務者莫如築城一案取等屢議請款興
 修祇以國庫空虛恐難遽邀允准故僅恃縣街
 繁盛之區四周所築土埂沿龍表到今詎今年陰
 曆七月初旬陰雨連綿老河水漲一片汪洋人人
 抱其魚之懼現據發起人李春元等擬具籌
 款建築簡章為一勞永逸之計取等復招集
 紳商各界公會議無不極端贊成均謂民國

元年蒙匪突來若有城可守何至被陷且早築
一年則隄外空地各商有恃無恐亦必早建市
房不獨可以禦水災防匪患並可以益展商
業一舉三得實為刻不容緩之要圖惟事屬
創舉工程浩大固宜預籌的款方可舉行
特慮有為富不仁者怕解慳囊妄生阻力致
一擗事人臨時掣肘貽誤要公理宜合詞將各
界摺具簡章先行呈請 都憲核示俾得有所
遵循至大功報竣後並請咨呈

大總統交內務部立案實為公便 謹呈

熱河都統汲

開魯軍政紳商各界議決籌款築城簡章並啟

開魯縣者開魯數萬人之開魯縣也凡關於開魯

公益之事人人皆有當盡之義務而不能辭今日

所宜辦之公益者莫急於築城一案憶自開魯

設治近廿年新舊墾已放數系頃軍政紳商警

學農工各界日異月新風俗不為不淳土地不

為不廣民情不為不厚財力不為不充而獨

於此三里之城未遑議及甚非所以議求自衛

也故民元遭匪患槍林彈雨相率奔逃民

和民元

和民元

六一遇水遇浪滾濤翻都歸陷溺且至今日週
隙地丰屨蒿萊皆涉有隄外之嫌致塵市不
能拓展同人等有峯此提倡斯舉亦籌備典
修可以在人人之生命可以在人人之財產並
可以護持營業逐漸蕃昌但此種工程非一人
一家所能歲事須羣策羣力乃可奏功語
云眾志成城就此四字翻而繹之亦已詳明宣
示謂合一縣四鄉數萬人人人盡其十分力
量一德一心能勞力者可以荷戈挑土不能勞力
者可以止戈而助錢雖不能成千里金城而成

此三里之土城似屬易易由此以觀其殆以無形之城化而為有形之城乎加以城外鑿池池外植柳外觀有耀氣象崢嶸行見銑道一通萬商雲集用魯一隅必可與朝赤承平後先媲美自衛之規模一定即自治之基礎一新我開魯同胞數萬人亦皆與有榮焉茲將修正籌款建修辦法分列如左

甲籌款

一城基按照籌墾局原圖分正副兩號正號城基每號各捐大洋一千元副號城基每號

各捐大洋六元凡屬公家占有者不論

二營業共分五種^等一等各捐大洋十元二等八元

三等六元四等四元五等二元此外小營業如

在街設攤者每處亦須各捐大洋一元

三地畝不論領地多寡只論已種得糧者

除沙沿外上地每頃捐洋一元中下地每

頃五角所有未開墾者不論但不得自昧

天良本已種而謬稱未種希圖取巧

四所得捐凡縣內外文武大小各機關在職

人員因事闕公益兼慈善性質須各

本良心任意樂捐不拘數要不外十分之一
一譬如典獄官每月薪俸三十元應捐
大洋三元署內錄事一名八元應捐八角所
丁十名每名月餉六元應各捐六角此
亦本人之欲善誰不如我之心也至於所
有城基地畝仍照章納捐由此類推

乙 建修

- 一就原圖舊城四方城基已經劃定者為規
 - 二各方均築一丈五尺寬二丈五尺高二丈逐層
- 以上四尺堞牆六尺城隍方為合格

三四方城門樓暨四隅砲台俱用磚砌城根外
仍留一丈五尺寬護城路外鑿三丈寬城濠
四既以鑿池之土築城可謂舉兩得但池之左
右比自須隨時植柳預防冲刷之虞一俟綠
樹陰濃即藉以提倡林業固不僅足壯觀
瞻已也

丙 辦法

一宜舉司令為督辦縣知事為會辦其次各
營長暨機關首領作為佐理員分任一切
捐款事宜如有仗勢抗公妄生阻力者佐理

員得詳請督會辦依新刑律妨害公務罪
一百五十五條處罰

二督辦對於各佐理員中遴選勤慎幹練者
酌給車馬費指派分赴四面監工各專責成
每方以三四員為率各佐理員遵督辦命
令每日到工各管一方務期照章建築工堅
料實不得稍有疏虞督會辦亦隨時親
臨監視以資儆惕而策奪興

三督會辦為籌款事宜須先擇定地點訂期
通知各機關暨紳商各界重申會議一次

如城基地畝兩捐責成中區暨四鄉區官辦
理交縣長收存營業捐責成商務會長暨
財政所長辦理收存文武各機關上下人等所
得捐由各關機首領自由派人辦理各交各首
領收存均須繕清捐冊呈報築城辦公處
經督會辦核閱明確以備購辦磚灰器具
招工投標之用不得有誤

四縣署設立築城辦公處由縣長指派會計二
名酌給律貼專司收支賬目預備報銷公請督
會辦將築城宗旨佈告周知定期開辦四

41
面進行一俟大工告竣即由督會辦呈請熱
河都統派員驗收並請咨呈

大總統交內務部立案所有在事人員督會辦
請獎與否恩出自上同人等不敢擅擬惟此
舉不支國庫分毫全由發起人提倡捐款興
修可以禦水災可以防匪患並可以推廣市
廛致商務發達四鄉如有不靖且可以避難
來城是即閭閻人民之福也

附則

本章程內除照章辦理外餘如三旂三府暨銀行

各燒鍋各公司由督會辦另函勸募又在開置
有不動產之官紳皆可將該簡章刷印各呈
一份於此等特別桑梓聽其量力捐輸倘荷
關垂例外惠助以成茲善舉誰得謂魯無
君子者至城上報竣後預算餘款若干賡
續進行修理街道疏通溝澮道旁水池建
龍王龜神廟勒石刊碑永垂不朽因辛酉七
夕前數日陰雨連綿老河水漲汪洋澎湃東
射縣街黍麥禾麻都成澤國距西門三
里遙汎聲如雷一晝夜水勢忽分南北兩支

而下縣街居然無恙紛紛輿論均謂 龜
 神顯聖之功也總此舉務要各發天良各
 殫心力功歸實濟款不虛糜方不負我
 巡帥督會辦暨大君子為國為民保障
 三旂之至意

李春元 李秉章 李東升

王震昇 肖殿元 龐致和

發起人

薛慕和 趙毓椿 李桐

張錦濤 李沛霖 曹濬

汲都統批

呈暨簡章均悉據呈該縣紳商各界以開魯縣街地當老河之衝益以蒙疆多事風鶴頻驚經公會議發起籌款築城辦法並擬具簡章轉請核示等情查該紳商等鑒於水災匪患擬就地籌款建築土城藉資防禦均明大義嘉許良深核閱簡章大致尚妥應准備案仰該團長總辦知事等會同紳商各界先將應需款項籌足俟春初再行開工建築並責成妥員監視興修務宜工堅料實

以期經久而資保障工竣仍將收支款項具報

查核尚章存此令此案未及籌辦十二年一月匪又臨城十二年春北京衛戍司令部都執法官

周雨蒼表用即用單指名義將舊案重提託前進面遞 熱察 經巡閱使兼熱河都統王公懋宣呈文如下

呈為善後要政築城為先懇請頒諭實行以符

原案事竊濬以陸軍部薦任待遇資格於民國

六年由熱河陸軍第一團書記官調充都署審

判處書記官八年月奉委代理開魯管獄員兼

墾局文牘接事後條陳籌款修獄署增獄室

講求人道優恤羣囚次第進行規模粗具嗣

查開魯毗連奉境為胡匪出沒之區且地處平

原尤當老河下游洪水西來頃成澤國故民元
一遭匪患塵市為墟民六一遭水災流離失所當局
僅於縣街附近累土五尺以作隄防每逢夏令陰雨
連綿隨修敷衍塞責十年夏五因禁烟委員來
開文武各機關首領暨紳商學警農工各界二
百餘人同在小學校會議行政事宜濬獨提倡
築城一案有一舉三善之公益大衆贊成當承張
總辦展團長教知事等切囑擬具修款建修
辦法簡章預備實行迨七夕前數日老河暴漲
泛濫無涯直射縣街人人抱其魚之懼不料距縣

西三里吼聲如雷一晝夜水勢忽分兩派東流縣街
居然無恙輿論紛紛謂遼神助急擬呈明

都憲以使用辦通值新舊乘除之際至是年十
月二十始由展團長慶齋張總辦東昇教知事
青雲三員據所擬簡章呈汲前都統批准立
案正議組織進行適因張教解職未果十一年
春濬亦去官又遇直奉政潮官民交憊一般原
發起人皆已離開遲延復遲延即至徧地荏苒
亦無人議及故今年一月二十七日胡匪陷城猛撲
長驅入無人之境軍警無險可保以致未戰

先逃十載之間兩遭失守燒_槍擄_槍姦虜慘不忍言

雖云軍警之咎而地利人和兩無所恃要亦不

能盡歸咎於軍警也如欲辦理善後非先議築

城自衛不為功現在市井蕭條序家歇閉恢

復元氣尚待數年倘不急圖安集之方恐各界

將有遷_地域為良之感想_潘寄廬株守聞見較

真昔之曲突徙薪空言無濟今之亡羊補牢尚

覺未遲用敢以兵燹餘生將舊案重提代人氏

呼籲幸逢我 巡帥知人善任電調張司令連

同駐此保障一隅尤懇垂念開魯地孤懸塞外

一陷再陷民命何堪一面頒佈善後規章暫洽
喁望一面即電張司令督辦此舉會同縣知事
暨文武大小各機關新首領尅日籌備各專
責成庀材鳩工限期告竣則遠近有恃無恐
皆願為氓庶商務可重興人心亦可大定抑
更有進者是役也係公同議決呈准立案之件
擬俟各款籌有成數除四城門樓四隅砲台招
工投標外至四方土牆即以所駐之兵代工以
所籌之款賞兵不但兵工習勤亦可以助餉
糈之不逮然此固係軍人之權利義務又非

局外人所敢主張也所有築城要懇請頒諭
實行各緣由除分呈張鎮使外理合抄錄原案
暨公議簡章備文呈請帥座鑒核施行謹呈
熱察綏巡閱使兼熱河都統王

按王公閱此呈後甚為慈悲慨然欲助建
築費一萬五千元先因張鎮守使主張
由城基項攤捐城工處僅收到一萬六千
元城已報竣餘即呈請停撥自此市塵
梯比始有今日之勃興現查土質含沙雨洗
風吹諸多塌陷遂成窳隘往來捷徑又積

極待修徒事補苴終難持久建設局
 與縣治局近已相繼成立似可仍照前擬籌
 辦法提倡外築磚墻一俟鐵路開通庶
 幾金湯鞏固然後設農學堂試驗場
 講求樹藝建工藝場廠興新市鼓勵工
 商則開魯一隅不十數年即可稱為樂土
 是在各當局注意經營焉可耳

名宦門

國家設官牧民所以企圖郵治也故國運
 之盛衰關乎人才之賢否而人才之賢否視

乎執政者之舉錯何如耳如其所舉而果
賢也上利於國下福於民君子道長小人道
消雖當國勢式微亦未有不轉弱為強由衰
而企於盛者漢多循吏如龍龔遂黃霸杜詩
名信臣輩史不絕書文景之時幾於三代
其明徵也况一省一縣之用人行政尤易奏功
乎吾侪自設治以來最爾彈丸荆榛初闢
文武兩方面尚有功德在民口碑載道政
績卓著迄今眷之不忘者謹將姓氏芳名臚
列如左以為後來者之觀感焉

開魯第一任知事

鍾元字甸岑寶坻人光緒三十一年奉廷都

統杰令開辦三旗蒙荒設局招墾越歲

即就塔甸地方建設縣治經營慘澹卓

著勤勞濬於宣統元年冬奉都委調

查赤峯州暨林南兩縣戶數開邑僅四

百五十戶親見鍾君為招徠計優待領

戶除酒飯外逾格從寬遠邇農商源源

麇集民國改元胡匪陷城鍾亦去官地方

紳商各界頌有二匾對以誌不忘又載藝文門

陶樸字初白四川人民元陽城後莊任滿
目荒涼頗有華路藍縷以啟山林之况其
締造艱難莫可名狀墾務停頓無人過向
並皆視為畏途不得已呈請減價招領
重修衙署恢復舊觀勞來安集頗費
經營默念時不可為蕭瑟遠舉解組之
後遯入空門

張秉彝字子良朝陽人由茂才入籌邊
學堂最優等畢業受能前都統秉三
知遇調充都署秘書兼熱河全境團練

籌備處參議內務廳科長民國三年

姜前都統翰卿妻^{禮崇}家旂科長暨總

務處第三科主任民國五年九年向

兩次署理知事兼三旂新舊墾總辦

晉階簡任戩專办並^河全區墾務勤

慎愛民農商感戴招攜怀遠蒙漢相

安督率商會修闢岳廟籌款建小學校

擴充警察重修獄署設財政所創辦歌

捐為警學兩端的款捐廉造兩河渡船

又推廣電綫以利交通諸多新政措置

裕如而且善風迎人寬宏大度與地方各
界有家人父子之風焉升任後地方暨三旂
公碑聯匾繳以誌遺愛文載藝文門現
由熱河實業廳長兼全區烟酒公賣局
局長升任民政廳長又足見今 主席
之知人善任焉

李鳳翔字秀嶺山東德縣人剛正不阿
清廉自矢民國十一年夏五蒞任敷
施新政因地制宜粗具規模忽遭外
患十二年一月西北警報雪片飛來

求援不及戰守兩難為保躬衝計敵
然與展團長約獨率警隊防西北
兩面展率一營禦東南兩面是月二
十七日早胡匪呼嘯衝鋒而至守兵潰
邑遂陷展退保銀行有人勸李攜印潛
逃曰有老母在吾將安往徑歸奉母誓
死不移賊至署抄加害知有母遂釋之盜
亦有道僅攫印去天燹其哀幸免於難亦
可謂忠孝兩全守土之賢司牧也

唐吉彬字鄂生湖南人幼而隨侍椿庭

蜚聲山石長而顯揚萱祀實可寓北平鼓
瑟鼓琴齊家有術學詩學禮教子多方
丙寅孟秋下車伊始勵精求治本肺石
以明寬潔已從公留口碑於載道戊辰仲
秋養母情殷辭呈屢上再三懇准始遂
孝思各界聞之攀轅無計不得已公頌匾
對旂牌以資觀感

文載文藝門

蓋允恭字敬忱阜新人前清名孝廉歷
官山左頗有政聲因時局關係解組歸
田戊辰南北統一中央政府採定合議制

熱河省主席湯公名襄戎幕是年秋

捧檄知縣事默察人民屢遭兵匪疲

供應又兼數年收歉十室九空軫念時艱

與民休息居教行簡學道受人期符主

席為國恤民之至意所允洽人心者敦

厚惠廉溫良節儉和平為政頗有膠

西公所謂治道貴清靜而民自定之風

地方各界均以台杜重來稱之現擬公頌

匾聯以誌欽仰
文載藝文門

軍界亦有政績卓著功德在民者茲列

銜名如左

張鎮守使兼師長連同字協堂宜陽榜
眼四川副將光復後投效熱河經熊前都統
秉三委任游擊隊統領駐紮建平保衛
地方素有政聲。民國十二年一月經王巡
帥懋宣電調援開即升任鎮守使駐
此治盜則剿撫兼施治軍則寬嚴相
濟對內則痾瘼在抱對外則剛正不
阿時地方公議築城張公主持暫由城
基籌捐加以巡帥助款與陳節恭縣

長積極督修 踰月告竣 人民所得以
高枕無憂者 皆賴張公保安之力也 迨
十四年春前 統都園公子珍 蒞熱保 以
南綏阜鎮守使 兼東北騎兵 第七旅
長 旋升第一師長 仍駐節 此邦一時
紳商各界 公頌有匾 對暨德政碑 以

誌銘感

文載藝文門

崔旅長新五字興武黑山人前充鎮
署營團長繼升陸軍騎兵第十七旅長
自鎮署取消後上峯以崔公人地相宜

仍調回填駐為人光明磊落智勇兼
全善騎射尚節義尤工顏魯公書事
母極孝治軍極嚴駐用時設教導傳
習所令各官長有勇知方率士兵以肅
風紀賞罰分明地方賴以安謐十五年
冬奉令往西陲一帶戍勝共黨至腊
母病大漸聞電星夜回甯親視含殮
痛不欲生弔者比肩為感泣帝制時代
臣所謂求忠臣於孝子之門者崔君有焉
越年二月河北胡匪躡聚讀禮聞警挺

身帶隊兜剝躬先士卒不日肅清閭邑
商農各界贊歎不已醴資公頌匾對以

標模範

文載藝文門

藝文門

日月星辰雲霞霜露天之文也山川
草木鳥獸蟲魚地之文也典墳邱索
傳頌詩詞以及諸子百家十三經廿四史
人之文也文所以載道士於道者必游藝
而據德依仁故科舉時期謂文為制
藝歸震川云文章天地之元氣得之

者其氣直與天地同流有一代之氣運即
有一代之人才人才者隨氣運為轉移者
也當其盛也聖學昌明人才輩出家絃
戶誦歌詠昇平及其衰也異端逢蠱起
邪說爭鳴聖教就湮斯文墜地滔天皆
是舉國若狂求粗識之無者且不可得
又何論文章之事千古寸心縱有一二人舊
學商量其如蜀犬吠日吳牛喘月何噫
居今世而談藝文即通都大邑中已寥
寥不數觀而况草萊初闢彈丸墨子

如我聞者乎既無文獻之足徵又無圖書
之可考至於弼中虧外尚待後起英髦
茲謹採閩邑士紳公頌各名宦德政碑
聯姑錄之簡編以供一覽

義皇上人寄遠寧張司令長官忠

告一則有序

戊辰之秋七月既望慨觀南北深慮參

商宜戒內訌勿招外侮籌思至再簡

默不安本桐爨之餘生作杞憂之警告

或訾之曰吹皺一池春水干卿甚事余曰

三
月
十日

6
不然新城三老何遮說沛公顧亭林云天
下大事匹夫有責今日之事孰有大於老
道口一案同澤同胞引為國恥恨不能一
拳打碎橫濱島一脚踢翻相模灣稍有
肝胆者豈忍徒作壁上觀遂書數語徑
寄之畧云前聞老道口慘案全國皆驚
呼天莫訴時代崔新五旅長擬送吳興
帥夫子輓聯云一聲霹靂太無情偏
教捐軀報國天何弗言忍聽濤怒江
干撼動民心悲方老千古英雄誰不

死但恨木壞山頽吾將安仰誓擬身
飛海外剗來賊胆祭先生一脫稿後
餘憤未平筆端繚繞因念大元帥同
時遇難凡有血氣者莫不震悼非常
遂代熱河十八縣士紳農商警學各界
公輓一聯云為中華撐半壁江山嚴鎖
鑰備屏藩獨能外攘內安光復後威鎮
園東隱使瀛島強鄰稱巨擘一除共
產認三民制度戢干戈將玉帛可恨含
沙伏弩剗那間神帛天上頓教潘陽

流水起悲聲」所差強人意者我 總

司令英姿颯爽頗具褒鄂之風尤能俯

順潮流善繼善述惟此案至今未破令

人積忿填胸彼直視我國無人故敢弁

髦公法僕本不舞之鶴激而發不平之鳴

當此荆天棘地之時正創鉅痛深者嘗胆

卧薪之日望早弭鬪牆之釁好同興問罪

之師有志者事竟成何難為國與家雪

此大恨爰集陳一聯以藉鑑云不共戴天仇伍

子胥吹簫覆楚魚忘乃父志李存勖負矢

係燕茲將此二十四字郵寄麾下希即書諸
座右效吳王夫差置人於庭故事上為國家
吐氣下亦可慰凡隸幘幪之軍民等悲觀焉

按是年冬双方諒解和好同情南北統一
首在銷兵三民五憲努力進行企圖強
富內政修明博施教養眾志成城發
揚士氣禦侮同心關東四省樹之風聲
中華古國可望澄清普天當軸大夢
宜醒予懷渺々瘖口噤音各有身家
性命忍使神州陸沉

詠開魯古塔七截八首

從來孔魯特西東塔向何曾見說叢玉筍
一根平地起森々勢若闢鴻濛

五百年前秀氣鐘崔魏宛似磬鍾鋒無僧
無寺無香火古井投磚當曉鐘

誰把南天筆一枝橫空擲下直豔東陸欲知
幾歷滄桑劫盥手焚香問空犧

坐鎮東南狀亦奇遠如巢近如錐超然物
外凌霄迴學校文鋒準在茲

浮圖七級造何年外空中空任轉旋更

上一
一
遠眺四圍禾稼鎮晴煙

凌空一柱勢撐天
俯瞰紅塵路幾千
明月當頭圓影暈
廣寒宮裏誤嬋娟

怪底澆愁借酒盃
黃龍大府總成灰
遼金也定中原鼎
剩此荒甌土一堆

千年古蹟立蒼苔
不礙風霜剝蝕堆
尚賴多情鈴鶴護
朝飛去復飛來

又七律二首

遼河尋到水之涯
走壑三旗小住佳
扎魯特開新社會
浮屠高枕舊衙齋
冲天一

箭難為敵湧地孤峯不可階縱有紅塵

飛十大嶺嶺倅勢豈能埋

巍嶺勢想天齊絕頂登臨四望低已

歷遼金觀盛敗猶存孔魯貫東西千年

古井鳴蛙躍百尺方磚野鶴棲做得春

秋霜露冷留將雁字大名題

念奴嬌塔自懷古倚蘇尊翁大江東去韻

兩河南北南為老哈河北為台根布河向東流淘盡古今人

物指點遼金名勝地好似旗亭題壁建國

黃龍興王烏祿金世宗名仁孝性成國人稱之曰少堯舜劍守皆水

雪長城表裏消磨多少豪傑惟此一塵孤峯
平原高聳如箭冲天發落日蒼苔甑影直
那管鴉飛煙滅楊柳樓中芙蓉鏡下笑我
生華髮一團圓相前身知是明月。

乙丑四月紳商各界公張將軍重莅安

民德政碑

從來大將用兵忠信為甲冑禮義為干戈勇
公敵而怯私鬪決不計成敗鈍獨行其心之所
安開魯自張司令協堂移駐之初即以保境安
民為戰志久已蒙庥受福有家人父子之親焉

甲子仲秋奉直政潮復起吾開適當要衝司

令暨縣長張公選青招集紳商等會議謂

此及鬪牆之釁原非外侮之堪虞既不能為

魯仲連即^宜退讓以免地方糜爛各界俱感

仁人之言其利溥遂一面送往一面迎來居然

天牖其衷藉篳篥壺以登衽席君幸闕都

憲知人善任請張總司令咨准執政府升

我司令為將軍府將軍南綏阜鎮守使

兼東北騎兵第七旅長仍駐節此邦奉欣

然有喜而相告曰生佛重來翁家霖兩益

以參謀長選青壯員襄戎幕壁壘一新崔

趙兩團長保衛鄉閭兵相洽劑此後崔符

息影鳴犬無驚必使物阜財亨當更勝從

軍政系現有巨紳闈公子多素南會同

提倡實業舉凡有利於國無害於民及公

益慈善事宜云不力圖進步不數年後

鐵道一通萬商雲集暢銷國貨挽回利權

南魯一隅當不難駕乎朝亦承平以上此

不但為我南魯頌為我將軍暨參謀長

並為我都憲及張總司令得人頌也昔年

叔子鎮守襄陽緩帶輕裘小民畏其威
而懷其德將軍近焉謹勒石以誌弗諼

匾文東北屏藩又聯文

大樹擅韜鈴夙欽褒鄂聲威頓息干戈同禦侮
長城資倚畀共仰范韓勲業重先節鉞頌素芬

戊辰閏二月紳商各界公頌崔旅長服中

剿匪聯文

先聲能擊賊最難得墨經從戍匹馬單鎗誓
將淨掃萑苻頓使雲霓頓慰望

素志在安民洵足為蒼生造福牧塵樵豎幸

獲國登衽席也隨壺單競歡迎

附碑文

軍中韓范

龍韜日麗

三旂鎖鑰

寬嚴馭伍

甸外孫吳

虎帳風清

萬戶幟蒙

智勇籌邊

己未三月蒙漢全體公頌張監督德政碑

開魯素係蒙荒亘古未闢地處邊陲民皆新

集雖設治十餘年而水旱頻仍兵燹疊遭民

間之望治久已盼若雲霓矣從前歷任諸令

尹莫不兢兢求治要皆因陋就簡未臻上

理而求其與民相安治平第一者則莫如我邑
 侯張印秉彝字子良龍城舊族也初以籌邊
 學堂畢業見知於熊督受任於姜帥於民國
 五年來莅斯土下車伊始目擊時艱張見民間之
 疾苦即一意休息不事煩擾以和平之宗旨培
 蒼生之元氣凡一切應興應革之事皆徐之無徐
 太過亦無不及也不二年向百廢俱興庶政畢
 舉學堂巡警言以及新舊墾務等事比自漸次就
 熟郡之論治當為公首屈一指矣雖然治文
 明之邦易治草昧之地難治承平之邑易治

凋殘之區難吾邑荆棘初闢又繼以變亂村落邱墟市廛彫敝撫斯土者苟不得善政之要領安能求治化之咸宜而我公獨能以勞來撫綏使商集於市農耕於野安居樂業不識不知雖才之長亦德之厚也今者人和歲稔政簡刑清民間好善之心且油然而生若非我公之盛德感人安能潛移默化如斯也蓋公之負性剛而能忍柔而能斷其嚴也如召父其慈也如杜母其治盜也如龔其遂其保民也如張堪大具千頃之量迥非百里之才將來

循吏傳中應添幾頁令聞者矣閩邑商會各行

感公之德沐公之恩因思末世潮流吏治疲壞

如公之行政實我人民大幸福也爰勒石以垂

不朽又東西扎魯特阿魯科爾沁三旗公頌

匾聯 惠孚三部 匾文 萬家生佛 碑陽面文

恪守官箴清慎勤罔慚三字

允孚輿論民刑訟高不作一私

又閩邑紳商各界公頌匾聯

靖萑苻以安屯墾紫塞陽春指日觀厥

成大造三旗三千福

聯五族一家歡

變水草而譜農桑蒼生霖雨心香從此熟

真庚申升簡任職晉京觀見閣邑暨各公

司公頌一聯

冰壺志潔琴座春和記曾竹馬迎來來暮聲

中齊鼓舞

上見經綸

棠樹陰濃蒲鞭化洽聞到仙鳧飛去去思碑

又各機關領袖祖餞東郊贈別七律一首

西銘世德毓和光
敷政優游洽雨蒼
萬井桑麻縈召杜
三旗童叟戴龍黃
調羹美手自烹
鮮妙製錦才兼補
衮長振翹撤開諸
燕雀九霄鳴鳳快
朝陽

己酉冬鄙人由林赴開
調查戶口時值嚴寒
朔風透骨渡冰河
越沙山見一老農鬚
皆結凍

車中口占

去年出塞又今年
捧檄三旗十月天
風撲面來添繡刺
凍凝顏下賽珠穿
車行沙嶺疑無軌
馬到冰河怕着鞭
幸有前程堪憩處

荒荒樹角數家煙

抵開後適值紳商議送鍾明府甸岑匾對

均請捉刀遂代擬一聯

拓數百里蒼茫世界南都拱衛北塞藩籬

蒙漢度鶯遷半壁河山資保障利農商

同整龍戴三春雨露沛恩膏

歷四五年慘淡經營屯墾殖民魚鹽興時在

開作十日遊抽查戶數與冊相符因自撰贈

一聯以誌鴻雪

二百里燕原莽莽居然葑屋生春葢幾許精

心披茲荆棘憑一腔熱血殖彼田疇代國家
屯墾備邊拓土奏膚功北狄東夷應下拜
漢軍民造福彈琴臻上理高山流水有知音

化刀劍歸農慕管子遺風魚鹽興利為蒙
數千年樹育森森宛爾棠陰新憩仿龍龔公雅
公事畢冒雪登程與吾鄉故人夏委員敬亭頗
深攜手河梁之感因成一律留別

從來俠士最情多離別情人更若何游子懷
鄉勞夢轂天公戲玉補冰何揮絃目送飛
鴻去過阪聲催汗馬過待向三旂重到日

飲杯看劍莫蹉跎

丁卯南邑紳商各界公頌唐縣長鄂生匾聯

龔黃政績名杜聲名萬姓慶耒蘇慰望雲

霓同鼓舞。桐葉門楣荆川經濟三旂

多受福時聞市野競絃歌。勤政愛民匾文

庚午南邑紳商各界公頌蓋縣長敬忱德政

匾聯

琴座風清冰壺月朗下車後與民更始蒙漢

相安儒吏大經倫學道愛人崇雅化

皆悅黨綱新組織博施濟眾仰雄才

寬饒勲業嘉運聲名行政時潔已從公農商

客夏旱魃為虐蓋公率同各界禱雨龍宮科

頭跣足出城取水往返行二十里未回署即降

甘霖可謂至誠格天捐廉劇酬神聯云

雨沛喜苗興我田祖肝蠻有靈不妨藉蝶

板鶯簧偷取霓裳歌歲稔

園菊部同鳴笳鼓報神功

風行知草偃彼農夫篝車將滿能勿倩黎

物產

昔孔子適衛冉有為僕子曰庶矣哉冉有曰

既庶矣又何加焉曰富之嗚呼富豈易言哉
春秋之時齊桓首霸患其民之不富也謀之
管仲仲乃鑄山為錢煮海為鹽其利通于天
下因收天下百物之賤者而居之以時貿易齊
遂所富夫管仲非有點金之術也不過就齊之
物產而知利用之方耳用魯地處遐荒廣袤
千里未闢之田視為甌脫繞城之水視為
隱患倘教以種植之法灌溉之術則膏腴之
田以植五穀沙磧之地試種棉花花生馬鈴薯
之類然後多植樹木以防風開濬河道以救旱

驅游牧之民勤力于農業不出十年開魯可為
熱河首富之區也物產固可忽乎哉

物產門

糧類 高糧穀子迷子黍子瓜子蕎麥棒子芋薯稗子

藥材 甘草為最麻黃亦兼有之

牲畜 牛馬羊駱駝為大宗

皮毛 牛羊皮羊毛駱駝毛絨宗毛為大宗出口貨

礦產 北去名曰魯北現出有塊煤頗旺今以人力操作土也昆連
西之天山縣亦有礦苗待查

風土

縣志之修纂以風土為最要蓋地質之肥磽為物

188

世系或口印

薄如楚士多輕蜀士多躁中原之篤於綱紀
吳越之習於風流莫非風俗使然而又物產與
地質之迥異有以植其基也開魯地跨三旗蒙
漢雜處游牧成習擄掠成性苟能因勢利導
施以教養齊以刑政田開阡陌而使富夏戰
怯鬪而使強則每見沙磧之荒田不可變富
庶之區免置之野人不可備干城之選耶是所
望於黨國之執政者耳

風土門

10
開魯地處邊陲平坦土地無多沙埕城片為最
按全境地十分之中純然土地不及五分之一以種
麥四分則種五穀雜糧沙埕佔之五分實屬不
堪耕種者半其餘一半種糜子黍子等類近二
三年天旱不雨每年收穫不過二三成之譜土
地之種法與他縣大不相同地主預備牛車農
具籽種等類招募鏹青者數家論地之多寡
以人耕種三四十畝為準先給鏹青者一人
食糧二石秋後歸還蓋秋後收穫各種糧石
按十分之五各分一半秫稽柴草皆歸地主此

名曰力量青尚有二八三七等青地主之地租其

耕種所有牛具籽種等類皆歸租戶自備

秋後收穫糧石按原租契約分劈所有地面

花銷皆歸租戶担任故名曰二八三七青他有租

種蒙旂沙坨專扣打瓜收其籽晒乾運往各大

商埠出售亦因地質磽薄所宜也棉花一種

頗有試驗所結棉桃不甚開展天時寒冷

之所致也五畝之田樹之以桑此地人民均任遠

道而來只顧目前之急當年獲利念切不

以長久計之因而種樹一道尚付缺如屢經明

遠出而勸勉只城內大街栽植柳樹幾次造

至今日生存者去幾不過數行一時有若無也現

擬將種樹之利益編成白話佈告由官家會同紳

商公民人等剴切勸導人民得知種樹能以防

風沙更能藉以滋雨澤不致每受亢旱偏災

商民素乏土著蒙漢雜居以直隸豫晉四省人

為多本省即阜朝俗達之人而商家半遠

寧之人嫁娶風俗略與東省相似小民每一女

出嫁必索聘禮二百元不等粗布若干足按

男家之有無定數之多寡分喪葬亦尚俗禮

第與他如相伯仲此南魯現在風俗之習慣也惟可取者每逢地方喜慶事賀吊之儀往往有多至十元八元者至少亦二三元

2



内蒙图书馆 020044760

K292.64
642

606 地 理 学 开 卷 考 试 大 同 学 校 [1933]

607 地 理 学 开 卷 考 试 大 同 学 校 [1933]

1680 地 理 学 开 卷 考 试 大 同 学 校 [1933]

1681 地 理 学 开 卷 考 试 大 同 学 校 [1933]

642

